



UGOVOR o nabavci sistema za lasersku detekciju curenja gasa

KJKP Sarajevogas d.o.o., Sarajevo, Ul.Trg Fadile Odžaković Žute 4, 71000 Sarajevo, BiH
Koga zastupa: Direktor Preduzeća Mr.sc. Nihada Glamoč, dipl.ing.maš.,(u daljem tekstu: Kupac)

i

«Fasek Engineering and Trading d.o.o.», Ul.Zvonigradska 43, 10000 Zagreb, Hrvatska
Koga zastupa: Direktor Suzana Zeljko,(u daljem tekstu: Prodavac)

Član 1.

Predmet ovog Ugovora je nabavka sistema za lasersku detekciju curenja gasa koja uključuje isporuku i ugradnju u motorno vozilo kupca, po provedenom otvorenom postupku javne nabavke broj: TD-05-31/19. Prodavac je dostavio ponudu prema specifikaciji Kupca broj SP-OJ04-TD-05-31/19-01, koja je priložena ovom ugovoru i predstavlja njegov sastavni dio.

Član 2.

Ugovorna vrijednost opreme iz člana 1. ovog ugovora bez PDV-a iznosi: **120.000,00 KM (slovima: jednastotinadvedesethijada) KM**, a jedinične cijene su specificirane u prilogu ovog Ugovora i čine njegov sastavni dio.

Član 3.

Prodavac će opremu iz člana 1. prema specifikaciji SP-OJ04-TD-05-31/19-01, isporučiti i ugraditi u roku od 90 (devedeset) dana nakon zaključenja ovog ugovora u Italiji, Bolzano, Via Copernico.

Za svakih sedam dana kašnjenja u isporuci i ugradnji kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

Ugovorne strane su saglasne da se kvalitativni i kvantitativni prijem isporučene i ugrađene opreme izvrši od strane ovlaštenih predstavnika svake ugovorne strane.

Član 4.

Prodavac je obavezan da:

- izvrši instaliranje opreme u motorno vozilo kupca i puštanje u pogon iste,
- za robu iz čl. 1. ovog ugovora dostavi uputstvo za njen rad napisano na jednom od službenih jezika koji se koriste u BiH,
- izvrši obuku uposlenika kupca nakon instaliranja i puštanja u pogon,
- obezbijedi rezervne dijelove i postprodajni servis za isporučenu i ugrađenu opremu.

Član 5.

Kupac je obavezan da:

- stavi na raspolaganje Prodavcu svoje motorno vozilo Cedy VW, registarskih oznaka K-68-3-821, u svrhu instaliranja i ugradnje opreme u isto;
- izvrši plaćanje na način utvrđen ovim Ugovorom.